



VANJSKOTRGOVINSKA KOMORA BOSNE I HERCEGOVINE
СПОЉНОТРГОВИНСКА КОМОРА БОСНЕ И ХЕРЦЕГОВИНЕ

KABINET PREDsjedNIKA I POTPREDsjedNIKA

Broj: 01-4-01-4-573/19

Sarajevo: 28.03.2019. godine

BOSNA I HERCEGOVINA
Ministarstvo komunikacija i transporta/prometa

28-03-2019

Ahmed J.

**MINISTARSTVO KOMUNIKACIJA I TRANSPORTA
BOSNE I HERCEGOVINE**

N/r g-din Saša Dalipagić, zamjenik ministra

PREDMET: Uspostavljanje Odbora za olakšavanje transporta Bosne i Hercegovine, inicijativa


Poštovani,

U prilogu ovog akta, dostavljamo Vam inicijativu Vanjskotrgovinske komore Bosne i Hercegovine za uspostavljanje Odbora za olakšavanje transporta Bosne i Hercegovine, sačinjenu u formi nacrtu Odluke, te predlažemo da ovu inicijativu prihvatite, preuzmete kao svoju i uputite prema Vijeću ministara Bosne i Hercegovine.

Pri kreiranju nacrtu ove Odluke, rukovodili smo se kako prijedlozima predstavnika Vašeg ministarstva u formalnim i neformalnim sastancima i susretima, tako i formom i postupkom Odluke o uspostavljanju Odbora za olakšavanje trgovine Bosne i Hercegovine, koju je donijelo Vijeće ministara Bosne i Hercegovine, na prijedlog Ministarstva vanjske trgovine i ekonomskih odnosa Bosne i Hercegovine (Službeni glasnik BiH br. 43/18).

U očekivanju razumijevanja značaja i prihvatanja ove inicijative, unaprijed Vam zahvaljujem i srdačno Vas pozdravljam.

S poštovanjem,



PRILOG:

- Nacrt Odluke o uspostavljanju Odbora za olakšavanje transporta Bosne i Hercegovine

Dostavljeno:

- Naslovu,
- a/a



Branislava Đurđeva 10
71000 Sarajevo, BiH

Tel.: (+387 33) 566-222, 566-257, 566-253
Fax: (+387 33) 214-292, 566 258, 566-259

E-mail: cis@komorabih.ba
http://www.komorabih.ba

Na osnovu člana 17. Zakona o Vijeću ministara Bosne i Hercegovine ("Službeni glasnik BiH", br. 30/03, 42/03, 81/06, 76/07, 81/07, 94/07 i 24/08), a u vezi sa Zaključkom Vijeća ministara Bosne i Hercegovine sa ___ sjednice, održane dana ____ godine, na prijedlog Ministarstva komunikacija i transporta Bosne i Hercegovine, Vijeće ministara Bosne i Hercegovine, na ___ sjednici, održanoj ____ godine, donijelo je

ODLUKU

O USPOSTAVLJANJU ODBORA ZA OLAKŠAVANJE TRANSPORTA BOSNE I HERCEGOVINE

**Član 1.
(Predmet i cilj)**

(1) Ovom Odlukom uspostavlja se Odbor za olakšavanje transporta Bosne i Hercegovine (u daljnjem tekstu: Odbor) kao međuresorno tijelo, sastavljeno od predstavnika institucija na nivou Bosne i Hercegovine, entiteta i Brčko distrikta Bosne i Hercegovine, uključenih u provođenje carinskih i drugih graničnih procedura pri obavljanju međunarodnog cestovnog prijevoza, kao i radnji i postupaka pri obavljanju međunarodnog i međuentitetskog cestovnog prijevoza, te predstavnika poslovne zajednice u Bosni i Hercegovini iz sektora transporta.

(2) Cilj Odbora je dalje pojednostavljivanje i harmonizacija carinskih i drugih graničnih procedura pri obavljanju međunarodnog cestovnog prijevoza, kao i radnji i postupaka pri obavljanju međunarodnog i međuentitetskog cestovnog prijevoza, a u skladu sa međunarodnim konvencijama i sporazumima (SSP, STZ JIE itd), te međunarodnim i europskim propisima i standardima.

**Član 2.
(Zadaci Odbora)**

Zadaci Odbora su da:

- a) prati i koordinira izvršavanje međunarodnih obaveza Bosne i Hercegovine koje proizilaze iz međunarodnih konvencija, sporazuma i protokola koji se odnose na proces olakšavanja i unaprijeđenja transporta,
- b) prati i koordinira aktivnosti svih institucija na nivou Bosne i Hercegovine, entiteta i Brčko Distrikta Bosne i Hercegovine, uključenih u provođenje carinskih i drugih graničnih procedura pri obavljanju međunarodnog cestovnog prijevoza,
- c) predlaže, razvija i prati konkretne mjere vezane za olakšavanja transporta, posebno one vezane za dokumente, postupke i prakse pri obavljanju prijevoza preko granice i kroz carinsku teritoriju Bosne i Hercegovine,
- d) prati i koordinira aktivnosti, te predlaže, razvija i prati konkretne mjere za olakšavanje međunarodnog i međuentitetskog cestovnog prijevoza, a posebno one koje su vezane za dokumente, postupke i prakse, svih institucija na nivou Bosne i Hercegovine, entiteta i Brčko Distrikta Bosne i Hercegovine,

e) unaprijeđuje koordinaciju i razmjenu podataka između nadležnih organa u Bosni i Hercegovini, a koji se tiču međunarodnog i međuentitetskog cestovnog prijevoza,

e) služi kao forum za zajedničko djelovanje institucija na svim nivoima vlasti, uz pratnerski odnos sa predstavnicima poslovne zajednice u Bosni i Hercegovini iz sektora transporta, u cilju boljeg korištenja prednosti mjera vezanih za olakšavanje transporta, te razvijanja planova i inicijativa od zajedničkog interesa,

f) saraduje i prati rad drugih Nacionalnih odbora za olakšavanje transporta u drugim državama kroz implementaciju međunarodnih sporazuma, uključujući razmjenu informacija i inicijativa za daljnje unaprijeđenje saradnje u ovoj oblasti, i

g) preduzima druge aktivnosti u cilju olakšavanja transporta, u skladu sa dobrom međunarodnom praksom i potrebama poslovne zajednice.

Član 3. (Sastav Odbora)

U sastav članova Odbor se imenuju predstavnici sljedećih institucija:

- a) Ministarstvo komunikacija i transporta Bosne i Hercegovine,
- b) Uprava za indirektno oporezivanje Bosne i Hercegovine,
- c) Granična policija Bosne i Hercegovine
- d) Federalno ministarstvo prometa i komunikacija,
- e) Ministarstvo saobraćaja i veza Republike Srpske,
- f) Odjeljenje za javne poslove u Vladi Brčko Distrikta Bosne i Hercegovine,
- g) Federalna uprava za inspeksijske poslove,
- h) Republička uprava za inspeksijske poslove Republike Srpske,
- i) Inspektorat u Vladi Brčko Distrikta Bosne i Hercegovine,
- j) Vanjskotrgovinska komora Bosne i Hercegovine,
- k) Privredna komora Republike Srpske,
- l) Privredna komora Federacije Bosne i Hercegovine, i
- m) Privredna komora Brčko Distrikta Bosne i Hercegovine.

Član 4. (Predsjedavajući i zamjenik predsjedavajućeg)

(1) Neovisno o sastavu članova Odbora, predsjedavajući Odbora je ministar komunikacija i transporta Bosne i Hercegovine, a zamjenik predsjedavajućeg je predsjednik Vanjskotrgovinske komore Bosne i Hercegovine.

(2) Predsjedavajući Odbora rukovodi njegovim radom, usklađuje rad članova Odbora, saziva i vodi sastanke Odbora.

(3) Predsjedavajući Odbora po potrebi može u svoj rad i rad svojih tijela uključiti predstavnike i drugih institucija u Bosni i Hercegovini, kao i drugih organizacija koje mogu uticati na olakšavanje međunarodnog i međuentitetskog transporta, predstavnike privrednih udruženja, naučnih i obrazovnih

ustanova i druga lica koja nisu članovi Odbora ukoliko se raspravlja o temama iz njihove nadležnosti.

Član 5.
(Formiranje radnih grupa)

Odbor može po potrebi formirati radne grupe čiji su zadaci da razmatraju pojedinačna pitanja iz određenih oblasti i predlažu konkretna rješenja u cilju olakšavanja transporta, ubrzanja i modernizacije carinskog postupka i provođenja kontrola prilikom uvoza, izvoza i tranzita robe, pojednostavljenja i smanjenja formalnosti u najvećoj mogućoj mjeri, kao i rješenja za olakšavanje međuentitetskog cestovnog prijevoza, uz aktivno učešće i prisustvo zainteresiranih članova poslovne zajednice iz sektora transporta.

Član 6.
(Obavljanje stručnih i administrativno-tehničkih poslova)

Stručne i administrativno-tehničke poslove za potrebe Odbora obavlja predstavnik Vanjskotrgovinske komore Bosne i Hercegovine. Ovim poslovima rukovodi predstavnik Vanjskotrgovinske komore Bosne i Hercegovine, koji istovremeno obavlja i funkciju sekretara Odbora. U obavljanju ovih zadataka i druge institucije su u obavezi, a na zahtjev Vanjskotrgovinske komore Bosne i Hercegovine, pružati pomoć Vanjskotrgovinskoj komori Bosne i Hercegovine.

Član 7.
(Nositelj aktivnosti)

Institucije iz člana 3. ove Odluke će na zahtjev Ministarstva komunikacija i transporta Bosne i Hercegovine dostaviti imenovanja svojih predstavnika i njihovih zamjenika u Odboru u roku od 60 dana od dana stupanja na snagu ove Odluke, nakon čega će Vijeće ministara Bosne i Hercegovine donijeti odluku o imenovanju članova Odbora za olakšavanje transporta Bosne i Hercegovine.

Član 8.
(Održavanje sastanaka)

(1) Odbor će održati prvi sastanak u roku od 60 dana od dana njegovog uspostavljanja na kojem će donijeti Poslovnik o radu Odbora.

(2) Odbor održava sastanak najmanje dva puta godišnje, a po potrebi i češće.

Član 9.
(Troškovi)

(1) Troškove učešća na sastancima Odbora, kao što su troškovi putovanja, smještaja i boravka, snose institucije koje članovi i učesnici sastanka predstavljaju.

(2) Troškove organizacije sastanka i pripreme materijala za sastanak, snosi organizator sastanka.

Član 10.
(Izvještavanje)

Odbor podnosi Vijeću ministara Bosne i Hercegovine godišnji izvještaj o svom radu, najkasnije do 31. marta tekuće godine za prethodnu godinu i, po potrebi, vanredne izvještaje.

Član 11.
(Stupanje na snagu)

Ova Odluka stupa na snagu danom donošenja i objavljuje se u "Službenom glasniku BiH".

Predsjedavajući
Vijeća ministara BiH